


Nuna tamakkerlugu naatsorsuutit

1. Kalaallit Nunaata aningaasaqarnera 2006-2015

2015-imi aningaasaqarneq 1,7 pct.-imik pitsanngoriarpoq

2015-imi Kalaallit Nunaata aningaasaqarnera 1,7 pct.-imik pitsanngoriarpoq. Taamaasilluni ukiut marluk tullerit aningaasaqarnerup ajorseriarsimanera 2015-imi unippoq. Ukiuni 2004-miit 2008-mut aningaasaqarnerup ingerlalluarfiani ukiumut agguaqatigiissillugu 4,2 pct.-inik pitsanngoriarfiusarsimavoq. Ukiuni tulluuttuni sisamani BNP ukiumut agguaqatigiissillugu 1,8 pct.-inik qaffariarsimavoq. 2013-imi -3,0 pct.-inik aamma 2014-imi -0,8 pct.-inik aningaasaqarneq ajorseriarsimavoq.

Titartagaq 1.1. Tunisassiornerup nalinga (BNP), akit qaffakkiartornerat peereerlugu



Malugiuq: 2006-2013-imi kisitsit inaarutaasuupput, 2014-2015-imi kisitsigallanerullutik.


Najoqutaq: Naatsorsueqqissaartarfik, <http://bank.stat.gl/nrn10>

Nuna tamakkerlugu naatsorsuutini ingerlatsiviit atorfeqarfiillu branchenut pingaarnernut 32-nut agguataagaapput. Tunisassiornerup tamakkiisup taakkununga branchenut agguataarnerata pisinnaalersippaa inuussutissarsiutit sannaanik misissueqqissaarsinnaalernerneq. Branchet 32-usut paasiuminarsarnerisigut ikinnerulersillugit titartakkami 1.2-mi saqqummiunneqarput.

Inuussutissarsiorfik Pisortat inuinnaallu kiffartuussinerat inuussutissarsiutini annerpaatut inissisimavoq, inuiaqatigiinnilu tunisassiornerup tamakkiisup 33 pct.-ianik pilersitsiffiilluni. Inuussutissarsiutit imarivai pisortat kiffartuussinerat allaffissornikkut, peqqinnissaqarfeqarnikkut, ilinniartitaanermik ingerlatsinikkut il. il. Assartuineq, post aamma tele

tunisassiornerup tamakkiisup iluani 17 pct.-imik pilersitsiffiuvoq. Aalisarneq, piniarneq aammalu Industri katillutik tunisassiornerup 14 pct.-ia pilersippaat. Tassani malugineqassaaq fabrikkitt aalisakkanik qalerualinnillu suliarinnittartut Industrimi ilaatinneqarmata.


Titartagaq 1.2. Inuussutissarsiutit naleqarnerulersitsinerisa agguataarnera 2015, akusimasunit kisitat (2010-mi akit)



Najoqqutaq: Naatsorsueqqissaartarfik, <http://bank.stat.gl/nrn04>

Titartakkami 1.3-mi takuneqarsinnaavoq naleqarnerulersitsisarnermik pilersitsisarneq qanoq inuussutissarsiutinut agguataartarnersoq. Tunisassiorneq (tungujortut), kiffartuussiviit (qorsuit) taavalu pisortat inuinnallu kiffartuussinerat (qasertoq).

Titartagaq 1.3. Naleqarnerulersitsinerup ineriartornera, akusimasunit kisitat (2010-mi akit)



Malugiuk: 2006-2013-imi kisitsisit inaarutaasuupput, 2014-2015-imili kisitsigallarnerrullutik. Najoqqutaq: Naatsorsueqqissaartarfik, <http://bank.stat.gl/nrn04>

2. Nunap iluani pisiumassuseq nunanillu allanik niueqateqarneq

Nunap iluani pisiumassuseq nunanillu allanik niueqateqarneq


Pisiumassuseq tamakkiisoq 2015-imi -0,4 pct.-inik annikilleriarpoq. Tamatumunnga pissutaanerpaasoq tassaavoq avammut niuerutit piumaneqarnerisa -10,9 pct.-imik annikillisimanerat, taamaakkaluartoq nunap iluani nioqqutissianik pisiumassuseq 2,2 pct.-imik annertuseriarsimavoq. Nunap iluani pisiumassutsip annertuseriarnerata kinguneraa nunap iluani tunisassiorfiit tunisassiornerulernerannik, avataaniit nioqqutissianik eqqussuineq annikilleriaraluartoq. Taamaasilluni BNP 1,7 pct.-imik qaffappoq avataaniillu nioqqutissiat eqqussuunneqartut -5,2 pct.-imik annikilleriarlutik.

Pisiumassuseq pilersuinerlu annertussutsimikkut assigiittarput, taamaammallu nikerarneri assigiimmik ingerlasarlutik. Pisiumassutsimi qaffariarneq nunap avataanut niueqateqarnermit imaluunniit nunap iluani pisiumassutsimit aallaaveqarsinnaavoq. Pilersuinermit annertuseriaat avataanit eqqussuinermit imaluunniit nunap iluani naleqarnerulersitsinermit, BNP-imit matussuserneqarsinnaavoq.


Piffissat pisiumassutsip qaffakkiartupiloorfigisai amerlanertigut avataaniit eqqussuinerup assingusumik qaffariarneranik kinguneqartarput, tamatumunnga peqqutaavoq piffissami sivikinnerusumi pilersuinerup ineriartorneranut BNP-ip matussusiisinnaassusaata killeqartarnera. Taamatut pisoqartarnera 2010-mi 2011-imilu pisunut assinguvoq, tassani pisiumassutsip qaffariapiloornerata kingunerimmagu avataaniit eqqussuinerup qaffariapiloornera.

Titartagaq 2.1. Ukiumoortumik pisiumassutsimi pilersuinermilu ineriartornivimmut alliaortitseqataasut

Alliaortitseqataasut pct. Pisiumassuseq



Alliaortitseqataasut pct. Pilersuineq



Malugiuk: 2006-2013-imi kisitsisit inaarutaasuupput, 2014-2015-imili kisitsigallarnerullutik.

Najoqqutaq: Naatsorsueqqissaartarfik, <http://bank.stat.gl/nrm11>


3. Innuttaasut atuinerat

Innuttaasut atuinerat

Innuttaasut atuinerat tamakkiisoq nuna tamakkerlugu naatsorsuutini ilanngullugu naatsorsorneqartarpoq. Tamannalu titartakkami 3.1-imi takuneqarsinnaavoq akit ingerlaavartuni taavalu akiusimasunit kisitaq (2010-mi akit) naatsorsukkani.

Innuttaasut atuinerat piffissami 2006-imiit 2015-imut akini ingerlaavartuni 19,7 pct.-imik annertuseriarsimavoq. Saqqummersittagaq Atuisunut akit ineriartornerat iluaqutigalugu innuttaasut atuinerata qaffasissusivia naatsorsuinikkut nassaarineqarpoq akit qaffakkiartornerisa peerneratigut, taamaasilluni atuneq -3,4 pct.-imik piffissami tassani annikillieriarsimalluni. 2014-imiit 2015-imut innuttaasut atuinerat 2,8 pct.-imik annertuseriarsimavoq akit ingerlaavartut atorlugit.

Titartagaq 3.1. Innuttaasut atuinerat 2006-2015




Malugiuk: 2006-2013-mi kisitsit inaarutaasuupput, 2014-2015-imi kisitsigallamerullutik.

Najoqutaq: Naatsorsueqqissaartarfik, <http://bank.stat.gl/nrn07>

Titartakkami 3.2-mi takutinneqarpoq innuttaasup ataatsip agguaqatigiissillugu atuinerata ineriartornera 2006-imiit 2015 ilanngullugu. 2006-imi innuttaasup ataatsip agguaqatigiissillugu 91,6 t.kr.-init ukiumut atorsimavai, qaffakkiartuaarluni 2015-imi 111,4 t.kr.-init atorsimallugit.

2006-imiit 2015-imut inuup ataatsip agguaqatigiissillugu aningaasat atortagai amerligaluarlutik kisianni pisiassat pisiarisartagai taama amerlitiginngillat.

Titartagaq 3.2. Innuttaasup ataatsip agguaqatigiissillugu atuinera




Malugiuk: 2006-2013-imi kisitsisit inaarutaasuupput, 2014-2015-imili kisitsigallarnullutik.

Najoqqutaq: Naatsorsueqqissaartarfik, <http://bank.stat.gl/benst1> aamma <http://bank.stat.gl/nrn07>

Titartakkami 3.3-mi takuneqarsinnaapput innuttaasut sunik atuisarnersut, 2013-imi 2015-imilu. Atuiiffit annerpaat sisamat tassaapput inuussutissat imigassallu aalakoornartortaqqanngitsut, ineqarnermi aningaasartuutit, tunisassiat kiffartuussinerillu allat taavalu angallannermut attaveqaqatigiinnermullu aningaasartuutit. Sisamaallutik katikkaanni innuttaasut atuinerisa 2015-imi 73 pct.-erivaat.

Titartagaq 3.3. Innuttaasut atuinerat atuiiffinnut agguarlugit

>



Malugiuk.: 2013-imi kisitsisit inaarutaasuupput, 2015-imili kisitsigallarnullutik.


Najoqqutaq: Naatsorsueqqissaartarfik, <http://bank.stat.gl/nrn07>

4. Avataaneersunik niueqateqarneq

Avataaneersunik niueqateqarneq

Titartakkami 4.1-imi takuneqarsinnaavoq avataanit eqqussuinerup avataanullu annissuinerup BNP-mut sanilliunnera 2006-imiit 2015 ilanngullugu. Tassani takuneqarsinnaavoq avataanit eqqussuineq avammut niuernermit BNP-mut sanilliullugu annertunerungaatsiartarsimasoq, ukiunili kingullerni annikilliartulersimasoq.

Titartagaq 4.1. Nioqqutissanik eqqussuinerup annissuinerullu BNP-mut sanilliunnerat, akit ingerlaavartut




Malugiuk: 2006-2013-imi kisitsisit inaarutaasuupput, 2014-2015-imi kisitsigallernerullutik.

Najoqqutaq: Naatsorsueqqissaartarfik, <http://bank.stat.gl/nrm11>

2009-mi avataanit niueqateqarneq annikilleriarpoq, tamannali 2010-mi mumippoq. Avataanit eqqussuinerup nioqqutissanut kiffartuussissutinullu agguataarnera qiviaraanni takuneqarsinnaavoq, avataanit eqqussuinerup qaffariarujussuarnernut peqqutaanerpaasoq kiffartuussissutit avataani pisiarineqartut annertusinerat. Avataanit kiffartuussissutinik pisiortorneq pingaarnertut uuliasiulersinnaanermut misissueqqissaarnermi aningaasaliinermi aallaaveqarpoq, tamakkulu suliffeqarfinnit avataaneersunit suliarineqarput, taamaammallu avataanit eqqussuinerup isigineqarlutik.

Titartagaq 4.2. Nunanik allanik niueqateqarneq, akit ingerlaavartut




Malugiuk: 2006-2013-imi kisitsisit inaarutaasuupput, 2014-2015-imili kisitsigallernerullutik.

Najoqqutaq: Naatsorsueqqissaartarfik, <http://bank.stat.gl/nrm01>

Titartakkami 4.3-mi takutinneqarpoq piffissami 2006-imiit 2015-imut, nunanik allanik niueqateqarnermi akit nikingassutaasa ineriartornerat. Nunanik allanik niueqateqarnermi akit nikingassutaat naatsorsorneqartarpoq avammut tunisat nalingisa ineriartornerat avataanit eqqussukkat akiisa ineriartornerannik agguarlugu, taamaalilluni takuneqarsinnaanngortarpoq nunap iluani tunisassiat akiisa nunat allat tunisassiaasa akiinut unammillersinnaassusaat.

Titartagaq 4.3. Nunanik allanik niueqateqarnermi akit nikingassutaat



Malugiuk: 2006-2013-imi kisitsisit inaarutaasuupput, 2014-2015-imili kisitsigallernerullutik.

Najoqqutaq: Naatsorsueqqissaartarfik, <http://bank.stat.gl/nrm12>


5. Tamakkiisumik aningaasaliissutit

Tamakkiisumik aningaasaliissutit

Tamakkiisumik aningaasaliissutit tassaapput tunisassiortut nunaqavissut tunisassiorminni atortussaminnik pisinerat pigeriikkaminnik tunisinerat ilanngaatigalugu.

Titartakkami 5.1-imi takuneqarsinnaavoq aningaasaliissutit ukioq 2006-imit 2015-imut qanoq ineriartorsimanerat. Matumani immikkut maluginiagassaavoq uuliasiulersinnaanermi aatsitassarsiulersinnaanermilu misissueqqissaarnermi aningaasaliinerit ukiuni kingullerni qaffariarujussuarsimanerat, ingammik 2010-mi 2011-imilu. Taamaasillutik taakkununga 2011-mi aningaasaliinerit 5.174 mio. kr.-iupput.

Titartagaq 5.1. Tamakkiisumik aningaasaliissutit 2006-2015, akit ingerlaavartut



Malugiuk: 2006-2013-imi kisitsisit inaarutaasuupput, 2014-2015-imili kisitsigallarnellutik.

Najoqqutaq: Naatsorsueqqissaartarfik, <http://bank.stat.gl/nrn09>

6. Paasissutissat allat

Paasissutissat allat

Nuna tamakkerlugu naatsorsuutit sukumiinerusumik paasisaqarfigerusun-neqarpata nittartakkami www.stat.gl misissuataarneqarsinnaapput. Input-Output tabellit nuna tamakkerlugu naatsorsuutit tunngavigalugit suliat, aammattaaq misissorneqarsinnaapput tassani.

Nunat tamalaat nuna tamakkerlugu naatsorsuusiornissami maleruagassaat uani misissorneqarsinnaapput:

- European System of Accounts (ESA 1995). Eurostat. Luxembourg 1996
- System of National Accounts 1993 (SNA 1993). FN, OECD, Eurostat, IMF og Verdensbanken. 1993

Nuna tamakkerlugu naatsorsuutit suliaqartarnermi systemit taavalu taakkununga atuisinnaanermut tunngasut paasiuminarnerit:

- Nationalregnskabet. Bent Thage og Annette Thomsen. Handelshøjskolens Forlag. 2004.
- Nationalregnskab, udenrigshandel og betalingsbalance. Christen Sørensen. Systime 2002.

Nittartakkat nuna tamakkerlugu naatsorsuutit tunngasinnaasunik imallit:

www.un.org

www.oecd.org

www.imf.org

www.worldbank.org

www.europa.eu.int/comm/eurostat/

Signatur forklaring:

... Oplysninger foreligger ikke

.. Oplysninger for usikre til at angives eller diskretionshensyn

. Tal kan efter sagens natur ikke forekomme

0 Mindre end halvdelen af den anvendte enhed

- Nul

* Foreløbigt eller anslået tal

Eventuel henvendelse

Josef Kajangmat

E-mail: joka@stat.gl

2017 ukiumoortumik paasissutissat

Naatsorsueqqissaartarfik

Postboks 1025 · 3900 Nuuk

Tlf.: +299 34 57 70 · Fax: +299 34 57 90

www.stat.gl · e-mail: stat@stat.gl

